

SIRI : PENDEKATAN HADARI DALAM MEMAHAMI ISLAM

Masyarakat Islam Hadari

Oleh:

MOHD NAKHAIE AHMAD


M
297.09595
MNA



يَا يَاسِينَ دَعْوَةُ الْإِسْلَامِيَّةِ مَالِيْسِيَا

YAYASAN DAKWAH ISLAMIAH MALAYSIA

www.yadim.com.my



Perpustakaan Negara Malaysia
Data Pengkatalogan-dalam-Penerbitan

- Mohd. Nakhaie Ahmad, Datuk

Masyarakat Islam hadari / oleh Mohd. Nakhaie Ahmad.

(Siri pendekatan hadari dalam memahami Islam)

ISBN 983-9878-61-1

1. Islam--Customs and practices. 2. Religious life--Islam.

3. Islam and state--Malaysia. I. Judul. II. Siri.

297.09595

Diterbitkan oleh :

YAYASAN DAKWAH ISLAMIAH MALAYSIA

Kompleks Pusat Islam, Jalan Perdana, 50480 Kuala Lumpur

Tel: 03-22746077, 22746089, 22746090 Fax: 03-22732330

www.yadim.com.my

Dicetak oleh :

Percetakan Zainon Kassim Sdn. Bhd., Ipoh

No. 1 & 3,

Tingkat Kilang,

Kawasan Perindustrian Ringan Jelapang,

30100 Ipoh, Perak Darul Ridzuan.

Tel : 05-5268506, 5268507, 5280506, 5280507

Fax : 05-5268504

M

297.09595

MNA

M

1165526

21 FEB 2005

Perpustakaan Negara

Malaysia

Hadiah

ISI KANDUNGAN

SEKAPUR SIRIH	1
TUJUAN MANUSIA DICIPTA	3
MENGENAI IMAN DAN AMAL SALIH	11
POTENSI DAN KEUPAYAAN MANUSIA	30
MEMBINA KEBEBASAN DIRI	46
MEMPERKASA KEINTELEKTUALAN	79
KHALIFAH DI BUMI	101
PENUTUP	120

SEKAPUR SIRIH

Segala puji bagi Allah s.w.t. Tuhan semesta alam dan kepada-Nya kita memohon pertolongan dalam semua urusan dunia dan agama. Selawat dan salam ke atas Rasul yang termulia di kalangan semua rasul-rasul, junjungan Nabi Muhammad s.a.w. yang diutus sebagai rahmat kepada seluruh alam dan ke atas keluarga dan sahabatnya sekalian serta mereka yang diberikan cahaya petunjuk yang terang lagi nyata.

Buku ini dikemukakan kepada masyarakat dengan harapan ia dapat memancarkan sedikit cahaya berupa maklumat dan pengetahuan yang dapat memberikan kefahaman tentang Islam. Matlamatnya ialah untuk menghindarkan masyarakat Islam daripada berpandangan sempit dan jumud apabila mereka melangkah masuk ke dalam kesedaran keagamaan. Justeru, ada di antara mereka memahami dan menerima Islam sebagai ritual semata-

mata. Bahkan, kesesatan sering menimpa orang yang terpedaya dengan hasutan kejahatan dan kesalahfahaman mengenai risalah Islam yang terakhir yang diturunkan kepada junjungan Nabi Muhammad s.a.w.. Buku ini saya namakan “Masyarakat Hadari” bagi menjelaskan secara umum tentang risalah dan misi Islam yang sebenar.

Penyusunan buku ini dibuat berdasarkan tulisan para ulama dan ilmuan dari kalangan Ahli Sunah Waljamaah. Penulis merumus dan menyusunnya sebegitu rupa untuk mudah difahami dan diamalkan oleh mereka yang mempunyai kehendak untuk menuju ke jalan Allah s.w.t..

Penulis memohon restu dan hidayah Allah s.w.t. dan *maghfirah* daripada-Nya supaya tulisan yang diketengahkan ini tidak menyimpang daripada jalan yang diwarisi daripada sunnah Rasulullah s.a.w. dalam memahami mesej al-Quran. Kepada Allah s.w.t., saya memohon pertolongan dan kepada-Nya saya berserah. Wassalam.

Datuk Mohd. Nakhaie Ahmad
Kuala Lumpur, Mac, 2004.

TUJUAN MANUSIA DICIPTA

Manusia diciptakan oleh Allah s.w.t. bukanlah tanpa sebarang tujuan. Hakikat ini dinyatakan dengan jelas di dalam al-Quran. Allah s.w.t. berfirman :

أفحسبتم أنما خلقناكم عبثا وأنكم إلينا لا ترجعون

Maksudnya : *Adakah kamu sekalian menyangka bahawa Kami mencipta kamu hanya sia-sia (tanpa tujuan) dan kamu tidak dikembalikan semula kepada Kami.*

(Surah al-Mukminun : 115)

Bahkan Allah s.w.t. telah menyatakan tujuan penciptaan itu dengan berfirman :

وما خلقت الجن والانس إلا ليعبدون

Maksudnya : *Dan Aku tidak jadikan jin dan manusia itu melainkan untuk beribadah.*

(Surah az-Zariyat : 56)

Bagi memenuhi tuntutan beribadah itu manusia dikehendaki beriman dengan Allah s.w.t. dan beramal soleh dengan mematuhi suruhan dan larangan-Nya. Mematuhi suruhan dan larangan-Nya juga disebut sebagai bertakwa kepada-Nya.

Jadi, tujuan manusia diciptakan oleh Allah s.w.t. ialah untuk beriman dan beramal soleh atau bertakwa. Justeru, dengan beriman dan beramal soleh itulah manusia akan dapat mencapai matlamat penciptaannya.

Namun demikian, tahap keimanan dan ketakwaan itu bukanlah sesuatu yang statik. Ia sentiasa bertambah atau berkurangan mengikut perkembangan amalan seseorang dan sejauh mana ketaatan dan kepatuhannya kepada perintah Allah s.w.t. dan Rasul-Nya. Setiap kali seseorang itu mengerjakan amalan yang disuruh dan meninggalkan yang dilarang, seseorang itu akan mendapat ganjaran daripada Allah s.w.t..

Dengan peningkatan amalan dan ganjaran itu, keimanan dan ketakwaannya akan bertambah kuat dan teguh. Keteguhan iman dan takwa yang berterusan akan mengisi tujuan penciptaannya itu sehingga ke tahap maksima sehingga mencapai tahap insan kamil.

Dengan peningkatan kemanusiaannya ke tahap sempurna, seseorang insan akan dapat meningkatkan martabatnya daripada *maqam* 'makhluk' Allah s.w.t. kepada *maqam* 'hamba' Allah s.w.t.

Martabat hamba kepada Allah s.w.t. adalah martabat

yang tinggi dan mulia. Mereka yang dapat memastikan dirinya menjadi hamba kepada Allah s.w.t. dan tidak menjadi hamba kepada yang lain daripada-Nya adalah manusia yang mulia di sisi Allah s.w.t., para malaikat-Nya dan orang-orang beriman dari kalangan nabi-nabi, rasul-rasul dan orang-orang yang soleh.

Perkataan 'hamba' menjadi gelaran kepada manusia mulia dan tinggi martabatnya di sisi Allah s.w.t.. Allah s.w.t. memberikan gelaran itu kepada Nabi Muhammad s.a.w. dengan berfirman :

سبحان الذي أسرى بعبده ليلا من المسجد الحرام الى
المسجد الأقصى الذي باركنا حوله لنريه من
آياتنا إنه هو السميع البصير"

Maksudnya: *Maha Suci Allah s.w.t. yang membawa hamba-Nya pada waktu malam dari Masjid Al-Haram ke Masjid Al-Aqsa yang Kami berkati di sekitarnya untuk Kami memperlihatkan kepadanya tanda-tanda kebesaran Kami, sesungguhnya Dia Maha Mendengar lagi Maha Melihat.*

(*Surah a-Isra' : 1*)

Namun demikian, tidak semua amalan soleh itu dapat menyumbang kepada pengisian makna ibadah yang dikehendaki oleh Allah s.w.t.. Hanya amalan soleh yang dilaksanakan dengan keimanan dan keikhlasan serta mematuhi sistem yang telah ditetapkan oleh Allah s.w.t. sahaja yang akan diterima sebagai amalan soleh yang sah dan dapat memenuhi makna ibadah tersebut. Allah s.w.t. berfirman :